

嘉筆禾微獻錄

嘉禾徵獻錄卷四十七

隱逸

郡人盛楓丹山輯

男支輝校訂

張澤民

朱朴

周履靖

舉人女適程

殷仲春

子志伊孫觀國

盛龍升

沈泓

父文昭母宋氏從弟龍

李天植

巢鳴盛

妻錢

孫聖蘭

父養賢

何浩然

祖其能

吳志開

徐白

王之輔

子聚著泉

戴笠

又一人

張澤民海鹽人居邑之董家港瀟灑好事嘗理一小

舟琴書茶竈皆具命蒼頭舉棹隨意所之遇清絕處

即樹陰下橫琴鼓之梅開時折枝貯古磁餅中令童

子捧以自隨一日詣天寧塲

音服又音蓬

僧舍上月臺童

子失足餅碎澤民顧曰今日興盡不需此也家有問

月樓與同邑李孟璿陸贊及海寧蘇平兄弟游觴詠

其上往來甚密平字秉衡號雪溪作繡鞋詩為世傳

誦

朱朴字元素號西村海鹽人能詩善繪事同邑彭輅

方之沈周无好吹笛每出游輒以自隨與鍾梁許相
卿徐咸陳鑑鑑字用明有句溪集護齋詩話錄其寒
一悽然青山笑人不歸去白髮滿頭空自憐茅簷幾
處插楊柳梨花半開聞杜鵑身世崎嶇杜陵老蓼蘋
風水洞庭船又石潭小魚自出及僧雪江石門相唱
沒草閣老樹相因依最為警句
和懽錄相卿有父喪當求賢達題木主門下客徧舉
諸公卿姓名相卿徐曰公等所陳官位耳若以德望
不及西村老布衣乃詣朴跪請臨葬成禮讀禮通考
禮疑點主非禮也禮有題而無點今也題主訖主字
上空一點請貴賓以硃點之云以生者接死者之氣
謬矣婦人之氣以他人之丈夫接之尤謬矣
宜從禮子弟善書者書之不善書用善書者年八十

六卒朴生平未嘗一日廢書即移棹擔簦亦必手握
數卷有詩集二卷居易錄西村詩雖未脫臨摹之蹟
迴三月落花溪水深亦有佳句七言如數峯蒼翠寺門
子斑千年玉骨湘纍墓萬里堅城少保家雁來關塞
暮天碧龍起江湖秋水腥巫峽曉風髻短髻楚江秋
水練長裙山圍野色迷秦駐海送潮頭上浙江落花
時節已寒食流水陂塘還被除白雲出岫澹如掃紅
藕作花香可憐月明蒼壁繁仙舫風細慢亭流白雲
此列
皆佳

周履靖字逸之號梅墟嘉興人少患羸疾屏去經生
業博涉子史百家言所居編茅引流雜植梅竹讀書
其中自號梅癩時時標勒古今蟲書鳥篆漢隸章草

行楷金石所錄百千種及山經水品草譜禽言又為
詩林賦海百千帙至老無倦色平生負氣任俠能賑
人之急邑有重役破產任之中歲喪妻娶同郡桑氏
女名貞白能詩相倡和有香奩詩草及二姬倡和詩
一卷靜志居詩話處士作詩不暇持擇宜其閨人亦
然然紙閣蘆簾倡子和汝偕隱太平亦樂事已
履靖所著夸門廣牘一百二十卷江左周郎藝苑一
百卷追和賦海補遺十二卷詠物詩十卷追和陶詩
四卷宮詞五百首梅花百詠一卷古今歌選十六卷
赤鳳髓三卷綠綺新聲五卷追風集二卷野人清嘯

二卷閒雲稿四卷茹草編四卷山謠二卷歷朝酒歌
十二卷香山酒頌二卷青蓮觴詠二卷周氏繪林帖
二十卷螺冠子帖八卷其本集曰梅墟集與王世貞
皇甫汈文嘉劉鳳徐中行吳國倫茅坤屠隆董其昌
為莫逆交年九十一卒太僕李日華幼與履靖比屋
居撫之曰他日文章風雅宗也日延獎名公鄉間有
女年十六許同邑諸生程之遠婚有期矣之遠疾篤
女請往獨行廟見禮侍疾二十五日而之遠卒守志
不嫁有司以聞賜旌建坊

殷仲春字方叔晚號東臯居士秀水人遠祖近仁別
見近仁次子輅輅生欽欽生環仲春父也仲春少能
詩善楷書陋室如蘭不蔽風日與子志伊胼胝糞田
而好讀史多購古帖殘書補葺考校以為樂父子皆
能酒嘗分杖頭之半篝燈夜讀遇顯者輒引避吳中
文士多延頸願交適夏日父子庠水車旁置晉書一
卷華亭董其昌與陳繼儒過之贈以詩訂交而去仲
春亦時賣藥不責錢比閤火仲春趨而出家人亦避
去四隣捨己物而爭先移仲春家具須臾盡出仲春

亦不知為誰無何火息左右皆焚仲春家獨免衆物
來萃惟失一馬尾接羅而已年八十一卒繼儒志其
墓所著甚富亂後散失存者有醫箴目錄棲老堂集
靜志居詩話方叔躬耕永樂南村陳仲醇贈詩却羨
白頭殷處士鷓鴣聲裏獨耕田是也家居社南諸弟
分處郭西子志伊字古耕有文名亦善楷書有古耕
之竹橋
堂集續醫說彙編志伊子觀國字賓光亦能詩
盛龍升字德潛號草汀嘉興人事母趙以孝聞母疾
嘗割股療之為郡吏以才幹自效久之棄去賈於杭
日召諸山人詞客載妓酒湖上數年盡亡其資歸而

赤貧恬然自適又精賞鑑凡諸法書名畫及古彝器
一經品題便不可移易與賢士大夫游同邑李太僕
日華尤愛之為作盛草汀傳晚築室城中編籬植杞
菊更號杞菊老人逃禪習靜者二十餘年年七十九
卒所著有存古錄記古彝器奇物書繪真蹟見古
雅錄
沈泓字臨秋號悔菴嘉善人父文炤早夭泓生五月
而孤母宋年二十餘苦志撫之家貧以種蔬為業既
乃力耕夜則假書而讀年十七冠童子試選貢入京
師崇禎癸酉順天中式所居楓涇有羅織諸生為盜

者株連莫測時太守嚴峻莫敢申救泓力爭之守知其矯直不污盡為矜釋癸未成進士改名方孟陳情歸葬未授官國破遂逃入空門改名弘堅持浮屠法以戒律稱預示死日至期跣跣而逝泓事母孝能盡色養從弟龍字友夔崇禎己卯以華亭籍中式應天鄉試癸未與泓同舉進士不仕卒

李天植字因仲平湖人崇禎癸酉舉人工詩歌及古文辭四上公車不第築蜃園居之與海內文士相往來甲申之變改名確字潛初

一字潛夫

邀蹟龍湫山中績

椽為屨劈竹為器以自給糧或絕好義者周之非其人弗受也長吏聞其名過之踰垣避終不見每歲三月十九日必慟哭賦詩以見志年八十二預知死期賦詩偃卧而卒所居在太常吳麟徵賜墓北又東北為侯將軍戰場海濱曠莽每秋風撼樹平野叫窸輒涕泗長號聞者悲之著禮記積翠哀言蜃園集月令詩梅花百詠

巢鳴盛字端明嘉興人年二十始就塾塾師嫌其晚拒之力請不已乃授制舉藝一篇夜則然膏授經不

歲餘盡通其義崇禎丙子舉於鄉是時一登賢書輒乘輿張蓋隨僕數人鳴盛敝衣草履不改平昔客過之無應門者乙酉郡城失守覓一蒼頭偕渡錢塘寓蕭寺中見江東拒守兵無紀律度必不支乃泛海還家即墓側構數椽屏居其中隔溪築一小閣可望先人邱壟屋外植短籬環栽橘橙百本親荷鋤種菜自給妻錢篝燈紡績一如農婦友人造之具雞黍為樂口不及人間一字立家訓首以勉忠教敦廉恥為教事兄如父課子弟雖成人必嚴垂老見僕婦婢子

必面赤終不呼其名與人交初不甚歡久而使人自

不忍捨年七十卒

續李往哲傳

閉戶不出者凡四十年

著永思草堂集

靜志居詩話孝廉肥遯深林絕迹城

留者於是遠屋種匏大小凡十餘種長如鶴頸纖若蜂腰杯杓之外室中所需器皿莫非匏者遠邇爭效之

海內孝廉作長歌詠焉

孫聖蘭字子操嘉善人父養賢仁壽訓導聖蘭崇禎

己卯舉人癸未進士國破不出有兼山草堂集

何浩然字希孟嘉善人祖其能受學於王畿號稱儒者浩然弱冠為諸生游內閣錢士升之門是時士升

猶未遇以學行相砥礪浩然家貧讀書不輟國破杜
門不接人事年七十四卒及門私謚曰仁節先生

吳志開字丹成嘉興人諸生甲申後入閩唐藩建號
拜御史未半歲閩破變服匿山谷中數年始歸里就
廛而居不蔽風雨素冠麻衣若有重喪者人問之不
答故都御史郭都賢雅重之都賢既為僧徧游江湖
間每過從話舊輒相對哭失聲年八十寄居蕭寺歲
饑乏食僵卧數日卒

徐白字介白晚號石隱本嘉興人徙吳江諸生當貢

國破去隱靈巖山之下沙有園數畝既無子女亦不蓄僮僕手一鎌自種蔬果以給衣食間作畫亦遠俗為詩纖秀近晚唐客至掃葉烹泉清談終日不出山者三十餘年年八十餘卒有竹笑菴詩鈔本事詩註笑菴清癯峻削性類枯禪卜築靈巖三十年足蹟不入城市室內顏白髮前朝士青山半屋雲之句

王之輔字左車秀水人諸生國破不出嘗校刻唐人王氏詩數種以老壽終之輔不欲令諸子求仕其命名也長曰丐仲曰尸季曰孽友人以其太奇勸之改乃更其字之同音者丐為概字安節尸為著字伏草

孽為真字司直云

戴笠字曼公錢唐人能詩兼工篆隸為諸生潛究素
問諸書寓秀水之濮院崇禎末楚蜀盜起笠知時事
方艱有塵外之志慨然曰此非君子避世時耶遂從
番禺人航海入日本不知所終濮淙字澹軒洪武初
有銘者字明遠崇
德人聞太祖起兵攻張士誠捐粟萬餘石助餉後嫁
女於角里湯姓過奢太祖徵行見之命其家族七十
二支分徙而居有園備八景林泉之勝見趙松雪楊
鐵崖宋景濂諸公集中淙四歲喪母後母視之虐弗
令讀書遂棄舉子業學詩中歲賈於吳僑居山塘所
交皆名人碩彥著澹軒集十一卷百幻詩一卷西泠
戴笠浮海之日本剝染法名性易自號天外一閑人
向與淙友善喜其詩迨日本國王於江府建祥麟居

之遂以綜詩集刊行海外見於釋本黃所作綜傳焯
按漢氏之先有名鳳者為宋理宗駙馬宜其後人富
甲一○桐鄉又有戴笠初名鼎立字則之改今名字
耘野本吳江人國破棄諸生為僧久之反初服隱朱
家村考甲申以後殉難者為殉難彙編又作寇志紀
流寇始末以年月編次此二戴皆奇士也而又同姓
名同時

吳江潘耒為
耘野門弟子

嘉禾徵獻錄卷四十八

游俠

郡人盛楓丹山輯

男支焯校訂

蔣洲

呂先

曹瓊

蔣洲字信之鄞縣人游學秀水為諸生坐法繫獄嘉靖戊申倭犯東南官軍連敗言官奏請懸立賞格募能生獲王直者予萬金封伯能致王直降者予世襲指揮僉事有以洲名聞之都御史胡宗憲從獄中釋出令說王直降乙卯八月以洲為正使生員陳可願

字敬修者副之充市舶司員隨贊畫蔡時宜潘一儒等往招撫王直因宣諭日本王九月出鄞江桃花渡至小衢山遇寇率衆與戰敗去兵器火藥大半耗矣乃回舟丹山備具以往凡六日夜入大洋又四日抵五島夷長寧久夷僧是柏譯知中國使來見甚恭謹洲與可願諭以宣諭日本王意夷長曰日本王權在豐後山口二國當往諭之願以船人導往又密知王直處使密使諭王直直來殊傲諭之曰汝不念祖宗墳墓獨不為老母妻子計乎今中國赦汝罪募汝歸

誠將官之海藩節鎮諸夷富貴可保乃借區區數島
與中國抗衡不祥孰甚況夷情貪狡一日慕重賞而
生異心恐汝頭與貢使俱北也直悟拜諾洲可願因
與直同行諸國先至平戶平戶長禮敬導送如五島
夷會聞巨賊徐海且率衆入寇恐我師無備丙辰春
可願先以直子激養子毛臣葉宗滿王汝賢善譯辨
者夏正等歸報已而洲行至博多見博多小夷長知
山口荒亂不可往先往豐後豐後王源義鎮與山口
王源義長兄弟國也源義鎮接洲惟謹洲曲諭以寇

邊利害義鎮引罪即傳諭禁諸夷無寇中國邊會山
口使來又至山口山口王源義長接禮尤恭又會同
豐後禁諸夷寇邊具咨送還被擄人口源義鎮遣僧
德陽等具方物奉表謝罪請頒勘合修貢護送洲還
丁巳洲遂以王直歸方可願歸時徐海擁衆圍桐鄉
桐鄉大困都御史阮鶚不知計可願及夏正說海解
圍洲又乞往海上說陳東徐海等以計間之李調戒
為翹兒者故臨淄民家女少鬻於倡冒姓馬假母呼
吐激越度曲婉轉傾座人雅不喜媚客大賈齎多金
賂之稍不屬意竟夕虛寢賈恚收金去以是假母日

窘辱之會有少年私之金者遂以計脫假母而徙居
海上更稱王翠翹云海上多貴游尤以音律相賈重
令一啟齒以為絕世無雙是以翹兒之名滿江南歲
得縶頭無算乃更以施諸所善貧客久之倭寇掠海
上竄走桐鄉已轉掠桐鄉被虜諸酋執以見其寨主
徐海海怪其姿態不類民間婦訊之知為翹兒試之
吳飲及琵琶以侍酒絕愛幸之斥帳中諸姬羅拜咸
尊為王夫人會督府遣華老人在君降不降海降海
斬之翹兒諫曰今日之勢在君降不降何與來使親
解其縛而厚之金華海上人也翹兒不敢識之而華亦
私視所謂王夫人者心知為翹兒不識之而華亦
曰賊未可圖第所愛幸王夫人者視之有外心當藉
以磔賊耳督府喜曰善乃更遣羅中書詣海說降而
益金市玉珠寶以陰賄翹兒乃日夜在帳中從客言
大事必不可成不如降也降且得官終身當共富貴
海遂許羅中書約降督府因誘居東沈莊與黨陳東
相鬪官兵乘之海沉河死兩侍兒歌而一行酒諸
兒也督府飲至享諸叅佐令翹兒歌而行酒諸叅佐

皆起為壽督府酒酣心動亦握髀降階與翹兒戲夜
深席大亂明日督府頗悔醉中事以翹兒功高不忍
殺乃賜所調永順酋長既從永順酋長去王直之從
之錢塘舟中輒悒悒不自得夜半投江死王直之從
洲來也意款貢未信留其黨王激謝和嚴兵據丹山
而宗憲又被浮議言受直等金數十萬懼罪乃繫直
省獄越三年倭寇平論斬西市戒菴漫筆張少華者
故金陵民家女少鬻
於娼移居吳門色美麗性慧善音嘉靖壬子中秋從
汪賈游虎邱遇周生仕者吳歛冠一時且韶秀悅之
稱疾辭汪去召周至與處絕外交假母強之欲自縊
遂聽其和周歌日夜不絕音歌遂出周上是時海上
徐公子慕少華持千緡為聘除別墅遷兩入於中日
供費二金歲餘公子乘間求合不得周聞語侵公子
公子不堪乃陰蓄少年勝周者沈郎美服飾使習吹
簫出見以移其好少華果目注更使偽聘周去中道

見其髮髻面而黔之因移沈郎居與並引簫聲動之
月下少華訊公子已寢啟扉撫沈郎曰可兒勞人終
夕合也沈請誓絕周許之已共寢明日公子復求合
不得以夜伏壯士候二人登牀持刀躍出梓其髮曰必
殺此以懲淫假母叩頭乞解遂書券為公子妾公子
置之秘室而以五十金謝遣沈郎居半歲忽忽不樂
晨夜詛公子諸姪以告出之居松陵復為娼故所交
周生者迹至其家周既務面且多瘍少華不納周憤
縊於戶外王直華恐乘夜走將至崑山為海寇所掠傳
詣島主王直直帳中有姪三十人姿貌皆出其下嬖
之甚稱為張夫人直好吳歎每夕令所屬伶人歌以
佐酒而海上沈郎亦投島中事賤作久之聞帳中歌
聲傍徨不能去少華忽見之以目相瞬已淚淫淫下
直覺之密訊沈郎美衣使歌吳歎吹簫自後每夕使與
沈朗隔帷歌益幸愛據諸姪上直有事必與商會督
府使蔣陳來島中諷直欲降而腹心皆不可少華
折之曰若謂王海中沉沉可百年哉兵久不解沿海

州邑皆收保安從得庚癸而常主夷也今日事勢何
異騎虎降則得官有功無禍直信之留蔣為質而令
腹心王激等同陳報謝督府親挾激與起居激歸報
直尚猶豫少華泣曰若不降亡無日矣妾請先死直
悟遂以激攝營兵留少華守帳中寶貨而身詣幕府
少華度直去已遠私出寶貨賂客營脫直初發時密
語激曰吾往有尺一來必用某印為識少華潛聽之
竊其印記與客客偽效直書傳島上激不能辨遽遣
張夫人而沈郎亦潛匿舟後取金珠價最高者與沈
郎腰纏之半夜走投四明主家主家怪之伏壁竊聽
其語明旦主人以鴆毒沈郎死而迫妻之少華曰天
乎吾一婦人不自意降一酋而死二子也降一酋功
隱死二子罪著茲不洲亦被逮論死右通政使武進
可以再辱遂自到死

唐順之視師浙直事竣遷淮陽巡撫條上海防善後
事宜中言自葉宗滿得罪而遁逃欲歸者自疑自蔣

洲得罪而人以使絕域為諱宜量為貴減從之於是
洲得原後不知所終可願被逮亦以功准贖罪

呂光

一名需

字水山崇德人少無賴殺人將亡命筮之

得蹇之二爻或謂光曰蹇難也以象言之水在山上
為棘薪之木坎陷也不陷而升於山難將脫至棘薪
荒穢翳雜於人為勞勩自今其毋寧處乎爻曰王臣
蹇蹇匪躬之故六柔也二柔位也與五為應其理當
服官然子逋逃耳不能當此且天下承平非蹇之時
其以一身勤瘁仰給貴人乎不膺其福亦當不任其

咎光笑曰吾逃死耳尚暇計其後因自號水山以志
之西至陝數走河套備知其阨塞險要遇赦還以復
套之策干總督曾銑上聞之內閣夏言言大喜因議
大舉兵出蒐如先言嚴嵩方與言不協謂上曰中外
幸無事如銑言挑釁啟禍後不可解矣上然之閏歲
銑與言俱死池北偶談何心隱在萬厯間屢變姓名
說迹江湖間所脅金帛不貲其黨呂光
者力敵百夫相與為死友馮猶龍智囊何心隱大
俠也而以講學名善御史耿定向游京師在耿所力
拒張江陵不見決其能操天下大柄異日當為所殺
迫江陵當國以其聚徒亂政卒捕殺之王奔州朝
野異聞載心隱游吳興幾誘其豪為不軌又其友呂
光午多游畿中以兵法教其酋長按光午似即光未

必心隱之友又有名光午者或光之字乃光午耳光無聊入京以機辨為內閣徐階客階罷歸高拱為首揆怨階嗾蘇松兵備副使蔡國熙以事錄其子太常卿璠坐戍尚寶卿琨瑛皆削秩籍其田六萬畝階杜門待罪光慨然冒為徐氏奴乞階書持至京伏哭拱庭下拱心動拱夫人亦感泣為拱言遂條旨謂所擬太重令改讞詞拱復階書曰僕不肖昔在館閣不能奉順公意遂至參商狼戾以去暨公謝政僕乃召還僉謂必且報復也而僕實無纖芥介懷遂明告天下以不敢報復之意天下

之人果亦有諒之者然而人情莫測各有攸存或怨公者則欲僕陰為報復之實或怨僕者則假僕不忘報復之名或欲收功於僕則云將甘心於公或欲收功於公則云有所調停於僕然而皆非也僕之意蓋未甚明也古云無徵不信前者地方官奏公家不法事至僕實惻然謂公以元輔家居豈宜遂有此也且免死狐悲不無傷類之痛故其間情可疑法未合者悉從開釋亦能行之矣則僕不敢報復之意亦既有徵亦可取信於天下矣蓋雖不敢廢朝廷之法以德

報怨亦何敢借朝廷之法以怨報怨也念昔僕典試

嘗以試題致先帝之疑公為解護僕實心感之明史

於嚴為門生頗桀驁視世蕃茂如又心薄徐華亭形

迹甚疎雖曲意相待終不屑往已積資至侍郎學士

裕邸天表非凡天序已定景邸之國即薨無東宮之

稱而有其實高勢亦日重乙丑會試世廟多忌諱各

鄉試以句字犯而得罪者甚多邸中第一子生入直

侍郎閔如霖賀表中云慶賢王之有子賀聖主之得

孫上大怒劍擊其疏曰可斬渠先子而後我降俸三
級為南禮部至是高孟子題中有民之秉彝句
北勢方強歲歲入邊上見之震怒曰曩有何德而好
之華亭曲為解上亦春秋高漸平怒乃霽威明年三
月以禮部尚書同吏部尚書郭安陽兼大學士叅機
務徐引之也事徐無加禮且侵之徐曲忍若不聞又
明年十一月上疾給事中胡應嘉彈高不忠高疏辨
華亭票照舊供職批出應嘉揚州人與徐同鄉益致

疑互相根排當公不悅僕時曾告之公公即仇我然解先

帝疑一節終不敢忘必當報效曹公而去言猶在耳
公不記憶之耶夫既得以取信於天下乃可以有辭
於門下故敢奉區區之意今而后願與公分棄前惡
復修舊好無使借口者得以鼓弄其間不惟彼此之
幸實國家之幸縉紳大夫之幸丈夫一言至死不易
皇天后土實所共監惟公諒之隋所致拱書不可考
矣或云事解後光留京邸會穆廟崩陰令客說拱曰
少主踐阼易生危疑宜遵高皇帝祖制以親藩為
宗人令鎮撫中外則大事定矣拱信之將行其說先
乃宣言於九衢曰高閣老已將金符迎所厚周王入

紹大統主上其危矣二宮聞之大懼
遂出中旨逐拱距升遐日僅二旬也
光尋入貲為郎
時年已七十餘未授官不知所終

曹瓊嘉善人居陶莊

嘉善莫志宋紹興中保義郎陶文幹自姑蘇移柳溪後承信郎

陶允鎮江茶場

陶達守福州教諭陶誠進士陶大章

大陶甄舉人

陶大猷陶夢得戶部陶大鈞一時最盛

故名

年少擁巨資而不得志於進取乃挾數千金游

京師逆旅有士夫夜坐長嘆瓊不能寐如是者數日

瓊叩之不應其僕曰吾主當得銓司素負清節而近

日宰臣不能無望故爾愁嘆瓊曰此易易耳從令爾
主就官吾當辦之盡出金以濟其事補選郎瓊詣歸

郎謝曰貧無以報但浙之大僚出都必令訪子子饒
於財人必不敢有所責望也瓊歸後凡臺憲到官者
必先謁瓊瓊以一布衣難於抗禮遂入資為辦事中
書郎循資至冢宰久於其位瓊亦豪里中者數十年

嘉禾徵獻錄卷四十九

藝術材勇

郡人盛楓丹山輯

男支焯校訂

范 摹

張 觀

盛 著

祖洪甫 叔樾 王立本子繼宗

朱崇儒

宋 旭

楊學詩公威

王景山

王 阡父衷

吳 宣

父森 子弘道孫繼善

父 珪壻袁祥壻錢夢

唐守元

岳陸金

徐名世子謙

胡 浚

子旻吳昱昂

曾孫昂

胡日章

汪鑑

子顯孫繼美

鍾代英

朱將軍

張浩

王慷

葉森

范摹字行式嘉興人善詩歌多藝能金石款識篆刻
書畫之類皆能考其時代真膺工畫山水人物筆力
瀟灑意趣幽遠學士高遜志嘗評近代畫家有云吳
仲圭如老將摩旗勁氣崢嶸莫之能禦王立本如近
代名流丰裁凝遠蕭然疲役邈不可羈盛叔彰如本
色頭陀持戒精一不假言傳終克證果范行式如羣

鶴高飛迴脫塵表

見兩浙名賢錄方伎傳

張觀字可風

一作可觀

嘉興人少游江湖志尚古雅工畫

山水師夏圭馬遠及與同邑盛懋丁野夫吳珪游筆

力益古勁無俗態尤善鑒別古器物書畫素居白牛

涇元末徙郡郭洪武中流寓長洲之周莊卒

魏塘紀勝

平癖嗜硯終日摩挲不釋手死即以殉俗呼曰硯墳在清風涇之芙蓉灣左

盛著字叔彰嘉興魏塘鎮人祖洪甫叔懋字子昭元

末皆以善畫知名著世其業運筆點染極工又善補

古人名畫幾不可辨洪武初召入供事內府帝異之

為製盛叔彰全畫記載御製集中後因畫天界寺影
壁以水母乘龍背上幸寺見之大怒立令棄市○同
時邑人師懋畫者有王繼宗繼宗父立本亦善畫山
水粗筆點綴妙有遠意至繼宗師懋則盡變其法工
巧細密精采百倍名與著相將云

朱崇儒字憶雲秀水人初以家貧為黃冠沉酣莊老
頗有塵外之致弱冠後乃復就試為諸生亦即棄去
浪游江湖善畫山水人物皆入神品為人豪宕不自
檢睥睨一世同邑戴經為之作傳

兩浙名賢錄朱端
字克正海鹽人寫

山水可方輞川正德時以畫士直仁智殿食指揮俸
賜一樵圖書用以識畫後遂更號一樵朱俸字康夫
嘉興人攻字學考訂偏傍訛謬得
六書旨精篆籀古文及漢唐隸法

宋旭字初陽晚號石門山人先世本會稽寓禾遂為
崇德人工畫及隸書晚年屏去家室究釋氏之學往
來松江與陸樹聲莫如忠周思兼結社賦詩居超果
寺禪燈孤榻舉止蕭然年八十無疾終旭畫入能品
規摹巨然稍兼子昂法鄉人至今寶之而鮮有流播
者其繪湖州白雀寺壁特稱神妙至今未磨滅也尚陳
古簪雲樓雜說石門山人工山水古法曾題雁宕圖
云沙門文石自雁宕歸言未至龍湫初過老僧岩入

松徑數里即石橋寺寺以洞為殿深可五十武其高
廣倍之左有方池石罅泉下如注甚清列石橋高可
十丈以之為山門各門之下壘石為臺俯可六七丈
旁通石級從左上小門藤蘿掩映幽絕可愛疑非人
間世也余初未信文石遂援筆作圖為此乃為潤色
之并賦一絕云禪客探竒千里游石橋寺裏正逢秋
深松路僻入煙少惟有寒泉不斷流萬歷丁丑中秋
橋李宋旭題烏程法華寺旭圖石山十一幅皆幽峻
可觀旭傳畫法於華亭宋懋晉趙左曹文炳皆有盛名
懋晉字明之規摹元人筆法左字文度更名重文炳

字德章

楊學詩字可言海鹽人父威字清遠嘉靖中鄉貢學
詩獨好冶游精騎射通音律書畫從同邑王文祿學

嘉靖甲寅倭寇郡有司以其才上制府假軍官當城
守一面學詩嘗以計全城寇平不得優錄年既五十
乃就武科嘉靖甲子隆慶丁卯萬厯癸酉三中式本
省鄉試始授冠帶年七十猶上公車持弓躍馬輕捷
過於少年作蠅頭小字不輟牆垣園圃悉自葺治不
假手於人年七十九卒

王景山本錢塘人洪武初僑寓嘉興通音樂善諧謔
而尤精於弈錢塘巨姓何本仙與客對弈終局將北
本仙意不懌欲亂之景山侍觀從容請曰試為君解

園可乎本仙領之果勝一座驚異早年喪偶不再娶
簪冠野服放浪江湖間年八十餘終本縣智覺寺僧
舍

王阡字汝直海鹽人父衷

西園雜記作忠

字本誠能詩善醫

卜與給事中張寧為布衣交寧見其屋破欲為更築
衷堅辭之今海鹽西郭外順寧橋是衷所建阡家貧
嗜酒有巧思善治諸器具嘗為救火法其物一人可
持投河中重按之吸河水自上而下如大雨火遂熄
後武功伯徐友貞建宅甚宏麗常設數具於堂前貯

水以備火患有司議築捍海塘阡條上其式務使形勢屈曲以受水衝激從之阡嘗自製一輿加牛背乘之名曰犢舟因自號犢舟居士

吳宣字泰然魏塘人今土斷為嘉善父森元至元中為管軍千戶宣善醫著道德經註子午流註通論等書子弘道傳宣業以鍼灸顯名療疾輒愈愈則令種竹一竿尋至鉅萬因名其地曰竹所洪武初召至京師擢御醫子繼善以生員授戶科給事中

程吳隱集桐邑鳳鳴

里蔡氏自宋南渡來家崇德有字淵齋者傳其子梅友竹友梅友仕至防禦使匾其堂曰同壽竹友子君

實嘗著同壽秘寶方於元之大德間君實傳子伯仁
伯仁傳子敬之敬之傳子曰濟字公惠曰潤字公澤
公惠入明為邑醫學訓科子曰頤字孟頤能紹其業
公澤謫於滇仍匿其居藥之室曰同壽先是為敬之
記者鮑仲孚為公惠記

者貝廷臣識世醫也

父珪字廷肅秀水人治疾奇驗一婦妊八月卧而不
語衆醫束手珪曰此內經所謂瘖也十月生男當不
藥自愈又有男子請胗珪曰此疾不至死然脈無生
理過三日當為爾投劑三日內忽溺死兩浙名賢錄見方伎傳
珪贊同邑袁祥為壻以秘經授之祥不屑曰建文御
極四年不修實錄忠臣死事泯沒無傳醫經特瑣瑣

者耳祥女年十餘歲妻死乃擇錢萼為壻而以經轉授之萼遂工醫二子昞曉孫贄皆世其業

唐守元號吾春平湖人妻父陸金善醫守元傳其業一婦人偶食羊膾人呼未及吞而應之逾月病發淹及兩年守元診之曰此胸有宿物也家人曰兩年不食矣守元曰試以吾藥投之既而大吐痰中裹羊肉一瓣遂愈園花祝氏兒患痘血肉迸裂守元搗藥塗其身復用藥末鋪裯褥上捲兒倒豎牀前舉家啼駭守元曰此蛇殼痘必如此治乃得脫已而皮膚解裂

如蛇脫然顧氏兒痘後瞽守元先開其一目三年後
兩目俱明所著有醫鑑醫林繩墨後金鏡錄行世

徐名世字子有號海觀其先本臨清人南渡來禾為
嘉興人累世以醫術顯尤長於兒醫里中呼為徐小
兒名世年十四五即為諸生廩學宮岳元聲黃承玄
吳昌期皆受業焉試輒不售遂以醫世其業遇貧者
更加意療治晚年頗好禪寂閉關不出者十餘年垂
死作別梅詩投筆而逝同邑主事高承埏為作墓誌
子謙字仲先號澄觀亦諸生有仁端錄六卷專言治

痘疹法能補前人所未備見聞雜紀禾城談時雍者
冠一時余宿其書舍晨興約一時許遠近抱嬰孩至
者不下四三十人視畢無不與藥辭金大約十受二
三此特小者爾余通家數人開典於禾長郎中痘痘
本無恙諸醫故言不佳索厚謝與談亦素交夜起視
之視畢諸醫皆在談不敢明言第曳主人遠去附耳
曰令郎痘好不藥無碍後果如其言徽商設席酬以
百十金笑而不納

胡浚字原海秀水人今土斷為嘉善浚少善龜卜與
同邑袁顯游南京成祖初靖難喜術士浚與顯寓神
樂觀觀中提點姚一山失金盃酷責其徒浚憐之占
得剝之頤告一山曰盃在土中未亡也汝第從房之

西南隅掘下五寸則得矣如其言果得盃因薦於上
徵之并徵顥顥稱疾不行浚入見上與語大悅又試
其卜無不驗者賜名翕復其匠役授漏刻博士上新
作殿命之卜布算訖奏曰某月某日午時當燬上怒
囚之以待至期令獄卒覘之誤報曰午過矣無火翕
畏罪飲藥死未幾午正三刻火起殿焚上急召翕死
矣甚悼惜之賜馳驛歸葬初徵命之下也顥為翕卜
得乾之五爻顥曰五屬君升陽在四子命又午其有
錫命之慶乎翕曰吾直壬午壬為水而午者子之衝

也果錫必不離水顥曰非徒然也四為淵又值升陽而五居淵上淵而大者乎以草莽之臣踐五位終非吉兆午為火丁者壬之合也遇火則危矣後聞賜名齋顥大笑曰驗矣死不遠矣果因殿焚而卒齋四子旻昊昱昂皆善占筮亦能畫曾孫曷字景明工山水人物尤善寫真弘治中選入畫院今嘉善縣東二里有胡博士墓

胡日章

檇李叢談
胡作吳

號樂素海鹽人成化間澈浦所軍

卒學祿命之術遇異人授之訣因以益精其判人一

生事常以絕句詩一首有女虞氏求推詩云移得名
花入畫堂任他門外蝶蜂狂只愁水涸春歸早香冷
簾櫳淡月黃後適董湄兩月而湄暴死以苦節終沈
氏命云年年空佩宜男草不見金盆浴鳳雛竟無子
杭州一人扣命判云自是豪華多樂事元宵燈下蹴
鞦韆果於明年元夕因止妻觀燈不從相毆縊死嘉
興一人生二子戲水邊同日溺死其妻痛切亦自縊
夫檢所批命帖有一雙紫燕入池塘紅粉佳人繞畫
梁之句又判僧明秀幼命小小魚兒數寸多而今且

自在清波待看頭角崢嶸日一跳龍門出愛河後披
緇為天寧寺僧官判海寧一人云苦苦苦苦只恐明年
正月五枯竹叢中苦又苦其人果以是日乘驢過談
家嶺驢驚墜刺竹枝死日章與人言命必依於孝友
忠信遇有後母者尤諄諄教之以孝年九十六死人
無傳其術者始豐類稿嘉興有東谷子居春波門用
五星家躔度遲留伏逆法推人生年月
日時所值貴賤禍福毫分縷析無有不驗希道道人
為海州司馬韋敷鑄白事劉志以為明人入方伎
兩浙名賢錄因之然此
出酉陽雜俎並非明人

汪鑑字怡荆秀水人今汪童里寧慶菴其祖宅也少

材武能張五石弓射必命中且善擊劍弱冠入曾銳
幕會夜雪置酒令鑑馳騎偵外垣發二矢殪二騎斬
其首歸則主名首豪也銑以故重之河套議格銑被
讒死鑑落魄歸人有知其材聘之入幕者輒固辭終
身窮約卒不出子顯字明夫混蹟市塵躬貿易以給
鑑顯子繼美字愛荊能詩與諸文士游太僕李日華
為之傳

鍾代英字幼芝嘉興人本屠家子涉畧經史性峭直
好為譏刺語亦善書以諸生游京師一時朝士如邢

伺米萬鍾李維楨輩皆與往來走塞下以策干榆林
總兵官杜文煥文煥奇其才置之幕下一日與文煥
子騎而出塞垣斬酋豪持首歸文煥上其功授百戶
得世襲仍令給事軍府年餘復以首功進千戶兼隨
營守備以馭下過嚴吏卒夜持戈刺之文煥聞格闕
聲躍入救之刺者走匿文煥親為洗創自調飲食以
進卧月餘乃起辭文煥解職至京師時制敕房中書
員缺內閣李標欲題授之代英不樂就辭歸再至京
師客死

朱將軍秀水人居鄞陵村長九尺九寸膂力過人少
無賴海上多鹽販朱以一手託大石向行舟索鹽
人怪其力無不與者因相號曰將軍鄉人出市朱乞
附載至市索錢朱實無有乃毆之朱不校橫卧舟中
而以足撐舟兩旁版盡裂舟子大懼乃叩頭求免朝
議取紅盔大漢朱應募至京陸鈇病逸漫記還將軍
身長九尺三寸擔城磚
一塊重四百斤為中式隸錦衣衛月食米二石五斗
侍衛二十年以上得冠帶其數幾千人每直三百二
十四人其四十八人身幹最長分兩番侍立奉天門
東西各十二人其餘布立丹陛左右視允明前聞記
今朝制選將軍謂直未入見與人鬪力絕臍而死
殿者為大漢將軍

張浩桐鄉人身短而膂力過人邑中有菖蒲菴門前
石獅重七百斤浩嘗持以行適有二北僧於菴相撲
浩旁觀竊笑之僧遂拳浩浩應手擎僧足於空中問
欲東耶西耶僧懼乃拜之浩門臨水漁舟數十來取
魚浩以石槌破其舟衆漁搏之乃悉拉墮水中方呼
號適嘉興府同知伍文定奉調提兵東征桃園賊見
之召問曰汝可與我吳將軍相較否吳蓋北人壯佼
而多力文定取以偕行者也浩曰諾因命各負舟上
鐵錨以試其力吳則兩手舉之纔能勝浩輒挈以登

岸文定令二人相撲吳為浩所困氣阻舌出脅為之傷文定曰吾欲將汝東行可乎曰有祖母在不可出也文定召其外祖與之金命代養之攜至開化殺賊甚衆賊懼以計刺死浩浩累功不及受祿文定歸盡以其所獲賞賚卹其家

王懷海鹽人海寧衛前所軍卒有神力能以指穿屋壁而無所傷與人較藝解衣挾寺廊簷柱起而壓之乃就搏衆驚不敢與敵嘗駕漕艘入都道遇劫懷倅執爨不顧取大竹用脇夾破之為薪劫者懼斂手去

邑有豪倫者願為弟子技成欲盡其術伺懷飯乃持鐵叉刺之懷以飯盎抵叉鋒而身入倫懷貫二筋於倫鼻孔倫不勝痛遂仆地其狡捷類如此累從征不得一官而死

葉森字公榮秀水人年十二補諸生以俠氣自負膂力過人嘗中夜率二弟禦盜數十人露刃鬪達曉終不能入其家也國破郡城已下士民皆逃竄窮野森獨居城中不去見殺於南城下

一云王師下江南

兵屯嘉興城下肆為剽掠衆苦其暴以

森平生讀書

過目不忘使酒結客嘗夜解其衣有火星星出袖間
入佛寺提鐵鐘周行殿下面不赤見者皆以為神力

嘉禾徵獻錄卷五十

列女

郡人盛楓丹山輯

男支焯校訂

周福蓮

沈淑寧

彭妙寧

李三女

馬烈婦

朱范氏

王月妝

王桂芳

丁楊氏

倪陳氏

袁呂氏

陸氏

顧薛氏

陳莊氏

子

寶生

趙真女

次子濟

虞 嫻

胡戴氏

吳高氏

徐仲氏

沈沈氏

劉馬氏

沈王氏

徐春梅

夫九疇
子夢融

子允璋

子世鎔

顧妙安

子昊

高李氏

媳曹氏

陸氏

沈平氏

周方氏

屠褚氏

父褚烈
子熿

萬張氏

子邦和

陳王氏

夫坤
子誠甫

江鏐頭

沈劉氏

錢氏二女

嫂俞氏
李張氏

夫明謙

朱四女

陸氏女

父雲登
嗣子宗怡

張氏女

父組
字劉伯春

張貞女

沈雲

吳貞女

王氏女

陶貞女

陸氏女

李孝女

徐孝女

滿金

陳祖皋

姚青蛾

葉紉紉

父紹表母沈宜修
妹蕙綢小鸞

徐範

黃媛貞

妹媛介

項吳氏

柴氏

孫鐵塊

王阿秀

李氏
程氏

周福蓮海鹽人年二十一嫁澈浦農人姚璫甫八月而璫卒生一女名孝絕愛育之抱持不去體家貧又值凶歲父孟經迎歸瀕行檢篋中故衣悉遺璫妹意甚愴絕居嘗為嫂飼鴛得數卵寄澈期生雛以給工食葬夫未果澈之富人陰求於孟經孟經已諾之氏微覺一日方聚食幼女適啼呼顛仆氏遽前抱之孟經愠曰何物孽種不久當還汝家氏始悽然遂抱女不復置涕泗交頤至夜母往臥室呼之弗應急覓之已與其女同赴水死姑聞奔往哭焉孟經亦深悔既

殮將火葬方舉火見一黃大蝶翼如扇從煙燄中出
躋之向祖墓飛入同里驚嘆以為烈婦之靈給事張
寧為之傳賜旌兩浙名賢錄魯氏名淑清海鹽楊彥
璋妻淑清世居海鹽其父彥中徒餘
杭而嫁其女於故里楊氏永樂丙申夏倭犯海鹽武
原鄉淑清為所擄度不能脫置兒路旁泣曰天不絕
我後幸活我兒潮至
躍入海死年二十一

沈淑寧海鹽人年十九適崇德方瑄甫十八日而瑄
死沈悲摧屢絕而蘇服終舅姑貧乏令婦依其母家
母謂年少無子勸改適不從母潛以許人沈覺之給
其母往告外氏母行沐浴更衣自縊見兩浙
名賢錄

彭妙寧嘉興人七歲知書十歲喪母以哀毀聞其父
公衍鍾愛之贅里人張昱生一男昱得疾將死不能
言持彭手而泣彭曰我與君同年生為夫婦誓必同
年死無疑也六月昱卒所生兒亦大病姑慰之曰張
氏止有此兒兒死是無張氏矣幸好護之彭感其言
日夜調治兒無恙彭曰可以死矣十一月不食而死
事聞旌其門大學士呂原為之傳見兩浙名賢錄

李三女海寧衛卒李政妻也敏慧有姿簡言謹履雖
居營伍人罕見其面生一子名雲弘治乙卯大疫政

病甚自外歸戒李母近恐相染也三女曰夫婦也焉
避萬一不諱我不獨生政死不寢食者六日既葬籍
家中資物託其妹撫雲而自縊

丐烈婦湖州人莫詳其姓氏正德庚午歲大饑湖郡
尤甚婦與其姑及夫走崇德行乞石門市三人偶相
失婦有殊色市上惡少年羣聚挑之與之食不顧誘
之財亦不顧止於市東高橋不復行乞者二日向姑
與夫皆不至觀者益衆婦乃從橋上躍入水死一市

皆驚

明史稿
有傳

朱范氏崇德人朱貴妻也倭犯境夫妻走避猝與倭
遇倭揮刀殺貴范氏奮臂爪倭面倭怒剖其腹罵不
絕口而死見兩浙名賢錄

王月妝海鹽人向升妻也年十六歸升歸一年升卒
月妝設榻升柩側舒帷蔽之朝夕坐卧其間居一年
姑聽宗老言以十二歲從子後升月妝曰叔少吾六
歲年相若何以相處吾死其時矣辟穀三日俟姑熟
睡櫛沐更衣自縊時嘉靖丁酉十一月五日也升卒
時與月妝一悅受而持之至是猶握之不釋見兩浙名賢錄

王桂芳嘉興人年十七嫁縣民董壽婚一年夫以瘵
死僦富人旁舍而居桂芳寡母將奪其志富人欲得
之桂芳以死自誓後送母歸經宣公橋自投於水母
救之得甦至家抱董木主大哭一夕自經死年十八
見兩浙名賢錄官為葬於鹽倉橋北表其墓嘉靖中佃為民
居移寔於清真觀傍長洲祝允明為詩頌之集有鮑
烈婦碑記婦為桐鄉鮑文化妻佚其氏少字文化未
婚而文化病瘍稱篤父母別許豪族并聞於邑令令
婉轉諭婦夫死不二遂歸文化會歲荒文化病瘡
死婦哭之哀夫族利婦改嫁得微貲婦乃赴水死
丁楊氏秀水人嫁縫工丁鳳鳴居端平巷中鳳鳴娶

楊歲餘而死家貧火葬既焚棺楊投身煙燄中姑苦
持之不得入已欲令改適遂自殺喉不斷者如綫家
人急延醫市藥傅之瘡始合楊搔藥斷喉而死同邑
吏部員外賀燦然義之經紀其喪葬於杉青堰之南
立碑紀其節所謂丁烈婦墳也年遠墳壞童子或於
墓旁嬉戲輒得疾因傳其神異爭為修理相戒不敢
犯云

高工部道素景元堂集烈婦死年十七時萬曆

丁未

五月二十五日至六月九日嘉興新豐鎮

有馮烈婦張氏事姑至孝生養死葬皆脫簪珥躬織

紵襄之夫裔道病卒烈婦於靈几設匕箸對食畢雉

經柩側年二十有二去

邵城稍遠人罕知之

倪陳氏平湖人適諸生倪遷國破後邑被兵氏恐受辱投糖餅橋下死

袁呂氏嘉善人生員袁烺妻也明末聞寇亂逼城邑謂烺曰我其投淵乎然聞婦人溺死必仰露其面終非禮當從劍下矣適有客遺烺匕首者呂佩之及亂買舟避寇猝遇賊遂赴水賊追及以長鈎執其髻將出之呂從波間拔刀截其髮沒更三日屍浮而覆人以為奇烺取葬焉

陸氏秀水人失其夫姓名家貧僦姚氏旁宅居之夫

為博徒罄其資裝不聞怨言姚氏索賃錢不時給頗
侮之聲及門內氏輒好言相慰期售女紅以償未嘗
有忤色一日夫自外來謂氏曰我與某博不勝已將
汝抵償氏出不意佯曰諾無何一客至欲引氏去氏
曰姑寬期以錢贖何如客不許且曰與為博徒婦曷
若偕我去衣食不乏氏笑曰公不博何由勝而得婦
即欲偕去旦日取決客遂去氏以釵取酒炙雞召夫
飲之曰快飲此與君敘平生歡明日他人婦矣夫本
憨愚引盃竟醉氏乃大罵曰痴奴屈指入汝門筋力

盡矣所欠止一死耳今日相逼豈非夙業以刀自殺
隣人聞其志罵竊聽之已而無聲以為後夫引去探
之則氏已死而其夫猶在醉鄉也

顧薛氏本秀水人年十九適錢唐士人顧之球婚一
月而之球被禍死氏屢求死母輒止之及除夕給母
使歸家夜分縫衣裳自縊事聞賜旌

陳莊氏泉州人元至正中海鹽陳思恭賈於閩贅焉
閱二年思恭賈海外莊生一子曰寶生纔四歲思恭
四年不歸人言死矣莊變服屏處有勸之嫁者不應

五年思恭忽自海外歸不踰年復去竟溺於海訃聞
莊苦節撫寶生既長謂之曰汝父有長子寶一在海
鹽之澉浦聞其貧不能自存父有遺產在彼汝可亟
往購贖以濟汝兄寶生乃至鹽訪寶一於母家歸其
質田復還聞有父友石章者思恭在時負其息錢數
千莊謂寶生曰石君汝父密友嘗負錢今聞以船稅
繫獄不可不償乃遣寶生厚裝以往脫其獄洪武中
挈寶生同歸海鹽以壽終國史編修王禕為立傳寶
生字彥兼思恭死時年五歲及長善詩畫有孫天富

者字惟善與寶生年相若約為兄弟出入無私財海
外人稱嘆為泉州兩義士後家太倉州築室奉母顏
曰春草高啟張紳為之記寶一卒無子寶生撫其孤
女樂郊私語州詩人陳彥兼好作怪體兼善繪事其
母莊本閩人父思恭商於閩溺海中莊誓不嫁攜
彥兼歸本州撫育成名彥兼最與黃公望子久親
彥兼居硤石東山終身不至海上以父溺海故也子
久歲一詣之至則必到海上觀濤每拉彥兼同往涕
泣曰陽侯吾父讐也恨不能如精衛以木石塞此何
忍以怒眼相見子久亦為之
動容因為作讐海賦以紀之

趙真女一作秀水人適同邑蔡士能年二十八而寡

屏去華飾隣比不聞笑語聲才藝甚工因以起家教

其二子成立年七十二僉事辛訪知府延祥以聞賜

旌後以次子濟官遼東苑馬寺主簿迎養於官年八

十五卒於任

程兵隱集夏節婦湖州璉市人顧姓年二十一適崇德鳳鳴里夏子昭生子四

歲夫與姑相繼歿舅使人諭之改適不從父母又使

人諷之終不易志艱苦以保其家朱節婦方氏亦居

鳳鳴里為朱原震妻生一子原震天婦年二十八事

舅姑備敬養服喪無違詔旌其門兵隱作傳又為書

孤凰辭於後皆

洪武間人也

顧妙安嘉善人父子俊贅同邑郁震為壻未幾子俊

卒妙安依母邵以居并迎震母聶同就養居二載震

天生兒甫八月妙安事姑與母孝養備至聶八十而

卒邵九十餘而卒喪葬俱盡哀盡禮子昊上其事於
有司有詔旌表時年六十八昊事其母亦以孝聞同
邑周鼎為之傳

虞嫫海鹽人歸同邑泉山董湄湄年少得惑疾婚兩
月忽自經死嫫自傷命薄屏去鮮華重局而處嘗刻
木肖湄像事之久而顙間汗出兩袖張舉湄父以為
怪投之火嫫善詩其詠菊云移種春苗愛護周柴桑
無主為誰秋抱香甘向枝頭死羞墜飄風逐水流讀

者傷之

見兩浙
名賢錄

卷五十一

高李氏桐鄉人年十八適高逾生子熊方晬而逾亡
家貧舅姑相繼逝往依母家母諭之改嫁輒痛絕母
止不復強熊既長娶曹無子為置妾陸氏甫得子熊
又亡曹與陸皆勵操事姑以撫其子兩世三節詔旌
其門見兩浙名賢錄

胡戴氏萬氏平湖人戴為諸生胡善妻萬為胡慶妻
善與慶同母兄弟也善之亡戴年二十二未孕育慶
之亡萬年二十七有一男一女萬與戴謀曰吾二人
不幸俱早失天如又不幸無出我有二息願如收其

女育之候長贅壻使持門戶戴聽之相與異室而處
日夜紡績以供其姑雖屢及凍餓而姑養不缺姑歿
哀毀痛哭隣里莫不嗟悼既而萬之子復患痼疾死
二氏益困而貞白自守終無瑕玷戴年七十五而終
萬年七十一而終里人楊能疏於朝旌異之

沈平氏平湖人沈宏妻華亭平可權女也年十六歸
沈氏二十一而寡生子奉甫一歲時姑亦早寡家無
儲蓄平躬紡織晝夜昏曉不憚勞親戚勸之嫁平泣
曰我所以未死以老姑弱息耳若改適非惟死無顏

見前人於地下老姑弱息將何託耶養姑終天年訓
其子成立詔旌其門壽八十九

吳高氏徐氏高同郡膠州知州文登女也為邦吳章
妻二十一歲而寡無子孀居七十載年九十而終立
志不求旌表又生平不喜僧尼凡募修橋道及利人
事則慨然捐貲徐為吳邦翊妻二十七歲而寡孀居
三十載年六十而終

周方氏本徽州人寓郡字於周年十九而寡無子守
志初依其叔鏐鏐死依其弟諸生邁甲申之變年已

八十一矣民爭議遷避氏曰此數耳若可遷皇帝不死因痛哭不已人或勸之曰無為自苦應曰吾自哭皇帝不哭此身慟哭兩日夜奄然以逝距夫死之歲凡六十二年

徐仲氏光祿署丞徐行遠妾也行遠失偶氏以筭年操井臼衆子喪母氏輒代為撫育行遠卒氏甫二十九歲舉子世溶僅一歲苦節撫之世溶以諸生入貲為國子生

屠褚氏嘉興人父勲工畫縣諸生屠明猷有雋才且

性至孝以家貧母喪未葬歷三十年勿娶勲心器之
以女妻焉三年明讞以瘞卒氏年二十三遺孤生歲
餘矢志約身而窶甚日夜力作不廢奉舅姑之禮苦
節三十年教子曠為諸生以文行著

沈沈氏嘉興人贅諸生沈萬象萬象早夭遺孤止二
歲翁踰七旬矣泣請於父母歸侍其翁生養死葬甚
備孤名允璋教之讀書氏年六十允璋中崇禎己卯
本省鄉試

萬張氏嘉興人萬寧妻也年十七而寡苦節五十五

年其子萬邦和以醫名有司以事聞賜旌

劉馬氏平湖人諸生劉濂妻也年十七而寡氏翁家
貧利其再適百計挫之不從嘗閉門自經救之得甦
翁又陰納富人沈某聘其姑誘以俱出乃抱持入沈
舟舟迅發氏欲投河不得呼天而號須臾晝晦風雨
交至疾雷擊其舟欲覆者數四沈懼返棹還之事聞
於官令別居貧甚有時三四日一食不死隣人周之
乃復食至七十餘仍以絕食卒

明史稿
有傳

陳王氏順天人知事陳坤妾也坤任盧龍衛知事九

年秩滿至京師氏年十六喪其父母遂適坤坤解官
年已老矣居家六年而坤卒氏生一子曰誠甫纔一
朞坤疾革謂其嫡子曰王氏年艾必嫁之喪終子以
父言諷之氏大慟剪髮毀容以矢無他嫡子遇之或
不以禮氏甘下之不較撫誠甫成立歿之日族黨皆
為流涕

沈王氏海鹽人沈九疇妾也無子娶之生于夢融方
四歲而九疇病且革囑其妻嫁之氏曰我必不嫁九
疇固以為言氏引刀自割其舌擲諸地九疇身後家

貧氏勤苦撫孤年五十九而卒

鏤頭江氏女小名阿妹海鹽人家於小柵橋爲平
湖沈寡婦婢寡婦劉氏亦海鹽人嫁諸生沈民表爲
妻十九歲而寡苦節貧不自存鏤頭八歲爲媵於劉
及笄而贅壻吳良未期年而良死鏤頭感劉之苦節
即不復櫛髮蓬垢自污以事其主母劉年八十餘而
卒鏤頭亦耆壽至老髮如繖終不爲理人因名之爲
鏤頭云

徐春梅平湖諸生曹璿婢居戈家璿年三十六婦

亡踰月璿亦亡時璿婦有子女二人皆幼春梅年二十餘不嫁家有田九畝璿兄屢欲侵奪因逼辱春梅春梅不為動子女有過教之不從則向之泣終不詬厲加撻曰我婢也敢肆志於主之子女盡吾之事其賢不肖天也勤苦十餘年家稍饒子女亦感化婚嫁畢春梅乃卒年五十八

錢氏二女嘉興人錢子順之二妹元至正末紅巾賊至欲汙之二女義不受辱相與結其裾投河死其嫂俞氏子順妻也子順卒俞年二十五一子三歲家貧

父姑欲奪其志氏號痛誓不再嫁洪武三年知府齊

政奏旌其廬人稱其家二貞一節見兩浙名賢錄○是年與

俞氏同旌者又有嘉興人李文遠妻張氏兩浙名賢錄柳烈女

嘉興人父為縣吏至正末紅巾賊陷嘉興女時年十

八與其父母同竄匿為賊所得驅之行至河許給以

結襪賊不加防遂投水死郡人金絢為之記

朱四女平湖人朱柄少女也年十六許字姚氏未笄

而柄卒女依寡母以居有惡少邱鍾者與其姊夫謀

欲私之強附同居數挑以言女即大聲罵詈痛哭於

庭自嘆無父女為人所凌遂縊死於父柩旁兩浙名賢錄有

傳

陸氏女嘉興人諸生陸雲澄女也早喪父獨與孀母居自幼配許錫琦錫琦年十三死氏年十四聞訃告母欲就喪次持服不許則截其髮姑聞往慰之母不令見扃之樓女乃踰牕墮地抱姑而哭求死母不忍留乃令從姑歸撫錫琦兄子為嗣已而殤又立其弟宗治氏知書口授經史及長為諸生母歿氏買地與父合葬姑疾衣不解帶侍湯藥如子有司以聞賜旌張氏女秀水人父組本儒家子氏年十四組以其有

才色注意擇壻有劉伯春者山東人寓郡為諸生負才名以女許之至年十七卒氏聞訃號泣截髮自為詩祭之改衰經持服於夫家三年服闋絕飲食旬日而死時年二十舅姑迎其柩合葬焉

明史稿有傳

張貞女嘉定人張耀女也嘉興汪某賈於吳往來耀所居曹巷因為其子受聘為養媳其姑陸多與人私汪老而嗜酒受亦愚騃不能禁也姑令出拜諸惡少女不許勸翁節飲不聽乃避之母家嫗陽為好言謝婦迎歸姑令惡少胡巖者逼之女以杵擊巖巖走女

終夜哭不絕聲巖與其姑恐事洩乃召諸惡少夙與姑奸者共縛而殺之縱火滅其蹟隣人救火見屍鳴之官氏父耀亦訟之逮一小女奴并諸惡少鞠之得實而巖脫走吳中士大夫有為巖道地者令亦不能自主一日令晝寢夢神謂之曰殺人者胡鐸胡巖也不速成此獄將刺汝心令驚起問左右乃知胡巖父名堂今日堂鐸雙聲音近而訛無疑也收巖論如法而斃其姑於獄嘉定故有烈婦祠未死之三日祠旁人聞鼓樂聲有火光炎炎如從柱中出及死人始悟

其有先兆焉巡按御史王言以聞有詔建祠賜名哀貞太僕歸有光為書其本末載集中

沈雲海鹽人年十七許聘同邑諸生張某未嫁張以瘵死邑中聞其麗而賢爭求聘父母將許之雲覺投河死嘉靖丁酉春也

兩浙名賢錄有傳

吳貞女海鹽人吳泮林女也幼許聘徐尚臣子某年十五而徐死女欲往父不可女給曰姑一視了吾心非必終守父乃許之母率以至徐伏棺而哭不復歸尚臣諸子不能同居泮林迎歸為別室居之○同時

又有王氏女平湖人王昌祚女也許聘海鹽人吳中宰未嫁而中宰卒氏亦別父母過中宰家持服哀至輒絕口不食不數年死知縣何思謹並旌之

陶貞女秀水人幼受鄒雲石聘為其次子可建室年十九未婚而可建卒訃至女哭幾絕父母強扶慰之即縞素赴喪所視含殮訖觸棺欲與同逝親族環繞曲阻遂截髮茹素留侍翁姑翁姑歿歸依其兄守節五十二載而卒

陸氏女海鹽人父應雲為縣捕盜卒坐事謫戍嶺南

應雲無子去時留氏母女於杭州行至中途病卒女時年十四聞父喪晝夜號泣不絕聲不食數日死里人捐貲殮之

李孝女嘉興人諸生李夢康女也容甚麗年四歲喪母事後母以孝聞父貧女紡績以供及笄里人多欲聘之女問父曰世何所謂賢婦父曰善事舅姑耳女曰舍已親事他人親謂之賢非兒願也且吾母早世家止一兄兒不忍離膝下拜泣力謝父病女為禱於天煮藥有鳥銜一朱實墜藥鎗中服之而愈撫兄子

蒼如己子崇禎己巳卒年四十七漳浦黃道周題其墓曰孝貞同郡陳懿典為之傳

徐孝女嘉善人徐遠女也年六歲母患癰瘡女問母何以得愈母謾曰兒吮之乃愈女遂請吮母難之女悲啼不止母從之數日果愈

見明史稿

滿氏小字金海寧衛指揮滿某女也指揮無子鍾愛之金有才色知書史善騎射父為陳氏僕誤毆死金年十六訴之官事連其主陳祖臯下獄展轉十年未決金誓不嫁詣京師求白其冤朝士以其女也憐而

右之值廷鞫金必周視刑具下獄則訶察往來陳大
懼有為陳氏謀者道鴈之陳氏遂得白○陳祖臯者
海鹽太學生治春秋有文名萬厯辛卯順天鄉試已
擬第一時祖臯父與郊為吏科都給事中以聚劾去
位以舟州國朝叢記萬厯十七年吏科給事中李春開
鑽謀吏部乃右時來仰茫而論南星妄言戶科給事中
中王繼光遂劾春開并及黃洪憲科場事謂時來曲
茫覆試舉人屠大壯洪憲傾排禮部尚書沈鯉侍郎
張位趙用賢戶科給事中萬自約助之春開疏辨刑
部主事吳正志謂吏科都給事中陳與郊煽亂是非
春開為其所使吏科給事中史孟麟亦奏春開與郊
疏辨光祿少卿王汝訓直叅與郊謂其為順德推官
因顧爾行結納王篆為其子改課為給事中力詆辛

自修以致去任吏部員外顧憲成執章申辨亦去而與郊之罪遂大不容於公論原任禮部尚書沈鯉侃侃有古大臣風而與郊求考官不得陰嗾給事中陳萬象捏語裝誣以致不安其位趙南星王繼光萬自約論都御史吳時來等中外稱快與郊不勝私忿毀駛孟麟以賣文誣吳正志為受指憑藉口舌簧鼓衆比拆卷知為與郊子遂棄去祖臯僕誤殺金父於途祖臯不知也金傾貲必欲殺祖臯以報父祖臯備受楚毒傳會成大辟時與郊已丑門生二人同在翰林與郊為書乞援甚哀不能得因恚恨作雜劇一本名伶癡符中有狄靈慶事以比兩門生而身擬袁察父歿祖臯事得白還其諸生終得兩門生力焉

西山日記

朱平涵太常與郊本房門生也嘗謂予曰陳生可以不死獨吾師愛阿堵也甚於子故久而羅織者愈衆太常捐館卒涵呼其紀綱解事者曰若主非二千餘金必不能出肯以相委惟吾所為亦不難平涵百計經營陳竟出獄事畢叩首太常柩前曰頑為公子計心力竭矣敢以此報師所有纖毫染指者如日陳後持二十金謝平涵

悉捨浮屠修淨業

姚青蛾秀水人四五歲即能誦詩書及長通羣籍為

詩文工八法但善病平生强半牀榻而吟詠無虛日

嫁諸生范應宮

字君和

年二十六而天應宮輯其詩名

玉鴛閣草凡二卷今青蛾子孫猶有傳其書法者

葉紉紉字昭齊本吳江人工部郎中葉紹表女也紹

袁字仲韶晚號天寥道人天啟乙丑進士鼎革後為
頭陀寓於平湖馮氏之耘廬母沈氏名宜修字宛君
吳江副使琬之女善屬文能詩以授其女紈紈少慧
盡傳其家學長而韶秀光可以鑑年十七嫁高要知
縣袁儼第三子某不得於其夫大歸於葉因逃禪日
誦經焚香而已有妹二人曰蕙綢曰小鸞小鸞字瓊
章一字瑶期將嫁而天紈紈哭之哀不一月亦嘔血死年
二十三死之日為詞一章曰粉絮吹綿紅英飄綺又
看一度春歸矣子規啼破夢初醒憑欄目斷傷千里

塵世堪嗟流光難倚浮生冉冉知何似舊游回首總
休題斷腸只有愁如此宜修以傷女之故不二年亦
死紹袁集宜修鵬吹集紈紈芳雪軒愁言一卷小鸞
疎香閣遺集及返生香一卷并蕙綢所作鴛鴦夢雜
劇都為午夢堂十集行於世後數年吳中有神降於
乩常熟錢謙益敘其顛末為泐子靈異記後人多譏
其誕妄不經云

徐範字儀靜嘉興人幼墜爐傷足而跛然性慧扶牀
讀書輒了了不忘因學書小楷摹文氏法甚工至長

嫁寒士范為既不任井臼乃傭書自養人聞其名多
造請焉閭外雜還不暇應接并給夫衣食家稍饒晚
年猶作蠅頭字教子傳其業終身常不離一榻云

黃媛貞字皆德秀水人年十五六同邑貴陽知府朱
茂時過其門聞讀史記詢之旁人則媛貞也力求媒
妁娶為妾能詩詞工書法凡啟札皆出其手無子以

老壽終著卧雲齋詩草妹媛介字皆令亦善詩文工

書法

靜志居詩話俞右吉云亡友黃鼎平立二妹一

字皆德一字皆令皆有才名皆德為貴陽朱太
守房老深自韜晦世徒盛傳皆令之詩畫然皆令青
綾步障時時載筆朱門微嫌近風塵之色不若皆德

之冰雪淨
聰明也

少許楊氏楊貧以鬻畚為業父母欲寒盟

媛介不可卒歸楊池北偶談禾中閨秀黃媛介負詩

求之已許字楊氏久客不歸父兄屢勸之改字不可

聞張言約其日會其所設屏幃觀之既罷語父兄曰

惜也時張公名士欲一見之今觀其人有才無命可

介嘗往來錢塘會稽閨中能詩者爭相延致倡和無

虛日著如石閣漫草施愚山閨章集有皆令小傳為

功止布衣無家人產藉皆令書畫易米石吏部佚其

名有女知書自京邸遣書幣強致皆令為女師舟抵

天津一子德麟溺死明年女本善又天遂遇甚南

歸過江寧佟夫人賢而文留養病於解園半歲卒

項吳氏嘉興人諸生項某妾也自號鴛湖女史善繪

畫

事尤工花鳥以禾俗燈製多剪紙蒙紗色易沉晦乃改用剔墨若列炬於空中而花鳥人物凌空自舞也因倣之為屏幃無不極工製初起貴家爭售之頗獲厚利數十年來其傳益廣乃頓落項無子晚歲挈吳游閩累致千金歸而項卒吳猶以筆墨自給所居即墨林山人天籟閣也琴榻蕭然有林下風

柴氏嘉興人嫁邑吏徐某生一子而寡先是永樂癸卯詔選天下嫠婦無子守志者籍送入宮教內庭刺繡及諸王之國分配藩府充織紵別其處曰養贍所

宣德中仍下前令而無子者少有司乃并子幼而無
依者亦列籍中柴氏由此亦入宮侍上左右數年甚
被恩眷以念子乞歸上曰爾有子何不使來帶一帽
柴奏言子痴愚若至京師恐貽罪戾因命馳傳歸其

子以宮人之後也遂仍母姓為柴氏

花村看行侍者
談往禾中董老

人京都人也其妻乃明季宮人因闖賊犯闕逃竄民
間得自從人董老挈之南來入籍嘉興今老矣然能
言明季宮中事因言崇禎帝每晨起盥漱四宮女捧
紫金盆四鑲以八寶一初盥手徑二尺一寸盥畢
尺一浴面徑四尺一再洗手徑一尺五寸盥畢櫛髮
宮女與帝櫛髮者為最尊稱管家婆櫛畢冠帶朝天
乃易便服御早膳羅列丈餘宮中人皆豐美其食唯
心所欲頃刻即至日費三千金為例至於燕會無不

上壽先皇。后次太子。次諸妃。次諸王。次諸宮女。次諸
宦官。宦女。宦官亦有尊卑。次序自皇后以下。皆行朝
拜禮。爵用玉。或金。或金嵌珠寶。每爵容酒。觴許副之
以匝。皆八寶鑲成。極其工巧。飲饌之物。極天下之珍
品。每燕以十萬計。元宵放燈。真珠燈。有高四五尺
者。珠皆顆重分許。華蓋飄帶。皆衆寶所成。帶下復綴
以小珠。燈大尺許者。四十九盞。宮中諸殿。各有數燈。
雖與正殿稍殺。然貴重則不異也。自殿陛甬道。回旋
數里。悉有石欄。欄有蓮橋。橋各置琉璃燈。約數萬盞。
遇宮女成羣。嬉戲。觸墜十餘盞。頃即宦官易去矣。冬
天處處設火爐。合宮之中。約數千具。皆金銀為之。至
於皇后。其尊而甚。勞晨必先起。請安。俟帝起。又請安。
行禮。晚必先令宮女至。帝所設拜具。繼至而拜。俟帝
卧。然後辭去。赦免。則不至矣。若帝入正宮。亦須迎拜。
唯謹。若妃子。宮女輩。則甚逸樂。皇后平居。則選能詩
畫。博奕。彈射。蹴鞠。等藝。及工絲竹歌唱者。約三十餘
人。自隨。帝則方巾朱履。隨意往來。語言嬉笑。與常人
同。宮人食不隔餐衣。不見水。金珠盈囊。服飾不記其

數迨宮闈大變而有孫曰鐵塊者失其名貌醜而黑
出無敢有所攜者人故以此名之為人彊直自少充本府吏事知府楊
繼宗以守法見信同知趙哲與繼宗相惡思中之乃
擒鐵塊窮法雜治令道繼宗賊蹟鐵塊垂死厲聲呼
曰楊清官我無以污也哲不可奈何遂捨去鐵塊終
於府吏子孫有以醫名於時者事載二
暑編

王阿秀秀水人父居東瓜堰為餽餼以市甲申南臺
建下有司采選淑女巨室富家皆匿避中官至無以
應詔乃錄貧家女有姿者上之阿秀年十七與在籍

中有司以其名不雅改曰可秀既上名館於郡學中
在郡月餘資送至省將行而國破乃罷歸秀故有美
名粗知書及被放逾年將嫁為貧家婦一夕其目忽
眇○同時點選可百餘人其知名者尚有李氏程氏
貌亦亞於秀云焯按徐禎卿異林載沈氏秀水人少
宮守宮論沈文發端云甚矣秦之無道也宮豈必守
哉上悅擢為第一弟溥為貢士就試春官沈贈以詩
是詩見列朝詩集為吳興人又見
湖州府志名瓊蓮非秀水人也